



UNIVERSITÄTS-
BIBLIOTHEK
PADERBORN

Compendium Privilegiorum, Et Gratiarum Societatis Jesu

Pragae, Anno M.DCC.III.

VD18 13723553

Privilegia.

[urn:nbn:de:hbz:466:1-65423](https://nbn-resolving.org/urn:nbn:de:hbz:466:1-65423)

militer habetur per Bullas, Sixti IV. pro
 Canonicis Regularibus Lateranensibus, dat.
 10. Kal. Septemb. 1476. Incipit: *Dum ad
 universos*: est 10. in Bull. comm. §. 22. &
 Julii II. pro Olivetanis, dat. prid. non. Jun.
 1507. Incipit: *Etsi ad universos*: est 12.
 in eodem Bull. §. 28. & ejusdem Julii pro
 Canonicis Regularibus S. Salvatoris, dat. 4.
 Non. April. 1512. Inc. *Inter ceteros*: est
 30. in eod. Bull. §. 42.

Sed hujusmodi Privilegium ad spatium
 100. annorum Eugen. IV. extendit pro
 Monasterio S. Pauli extra muros, per Bul-
 lam dat. 7. Kal. Jul. 1442. Inc. *Ex Apo-
 stolica*: est 17. in Bull. Regul. §. 15. & Pau-
 lus III. pro Benedictinis per Bullam, da-
 tam Nonis Nov. 1537. Incipit: *Benignitas*:
 est 15. in Bull. comm. §. 6. Quæ centenaria
 præscriptio pridē concessa fuerat Monaste-
 rio SS. Trinitatis Benedictinorum ab Urba-
 no II. teste Cherubino in Scholiis Bullæ
 proximæ citatæ, in Comp. Bullarum.



PRIVILEGIA.

§. I.

*Interpretatio privilegiorum Papæ re-
 servatur.*

I 3

Nostro-



Nostorum privilegiorum per
 Paulum III. usque ad xv. Ka-
 lend. Novembris anno Do-
 mini 1549. concessorum, in-
 terpretatio reservatur Sedi Apostolicæ. Pau-
 lus III. pag. 12. Quin verò inhibitum est
 omnibus Prælatiſ, nè præſumant inter-
 pretari privilegia Nobis concessa, si-
 ve clara sint, quæ interpretatione non indigent,
 si-ve dubia contineant. Concessit Clemens
 IV. Prædicatoribus, ut patet ex Bulla, data
 Non. Julii. Anno 4. Incipit: *Ordinis Vestri*:
 est 12. in Bull. comm. §. 2. Sic habetur per
 plures Bullas Eugenii IV. pro Benedicti-
 nis, dat. 7. Kal. Mar. 1434. Incipit: *Etsi*
ex debito: est 10. in Bull. Regul. §. 18. &
 rursus pridie Kal. Jul. 1436. Inc. *Regula-*
rem vitam: est 9. in eodem Bull. §. 19. &
 Sixti IV. pro Canonicis Regularibus La-
 teranensibus, dat. 10. Kal. Sept. 1476.
 Incipit: *Dum ad universos*: est 10. in
 Bull. comm. §. 35. & Julii II. pro Olive-
 tanis dat. prid. Non. Jun. 1507. Incipit:
Etsi ad universos: est 12. in eodem Bull. §.
 37. & ejusdem pro Canonicis Regularibus
 S. Salvatoris. dat. 4. Non. April. Incipit:
Inter ceteros: est 30. in Bull. comm. §. 48.
 & Leonis X. pro Camaldulensibus dat. 4.
 Non. Jul. 1513. Incipit: *Etsi à summo*:
 est 2. ibid. §. 45.

Per

*Per hoc privilegium non derogatur illi ,
de quo infra §. 4. Et supra verbo Gene-
ral. §. 5.*

§. 2.

*Per unum aut plures actus non deroga-
tur privilegiis Et c.*

Si quando contigerit per unum aut plu-
res actus contra privilegia , indulta , gratias ,
& immunitates Societati concessa , aut ip-
forum aliquod , à quocumque , cujuscum-
que conditionis , dignitatis , gradûs , & sta-
tûs existat , ex negligentia , seu ignorantia ,
præsentium , & futurorum , quibus ea con-
ceduntur , aut alia quavis causa aliter at-
tentari , vel observari , scienter vel igno-
ranter ; nullum tamen propter hoc præ-
judicium indultis , gratiis , & immunita-
tibus ipsis generatur : sed illa in suo vigo-
re , & pleno robore firmitatis perpetuò
permanent. Sic habetur ex privilegiis Ca-
nonicorum Regul. Later. in M. S. fol. 50.
pag. 1.

§. 3.

*Interdicitur Nostris procuratio , &
usus exemptionis.*

Nulla persona Societatis privilegium ali-
quod contra communia ipsius Societatis
statuta postulare audeat , aut obtentum re-
tinere. Concessit Eugenius III. Cisterci-
ensibus per Bullam , dat. Kal. Aug. 1152.

Incipit: *Sacrosancta*: est 2. in Bull. comm. §. 3. Si quæ verò impetrabuntur hujusmodi à Sede Apostolica, vel ejus Legatis, sub quacumque forma, vel expressione verborum, irrita sunt & inania. Concessit Clemens IV. Cisterciensibus per Bullam, dat. 5. Idus Julii. Anno 1. Incipit: *Nè propter*: est 1. in Bull. Regul. & Julius II. uberius Augustinianis, Bullâ, datâ 24. Sept. 1508. Incipit: *Nihil est, quod sapius*: est 22. in eod. Bull. §. 3. Et hoc idem latius habemus per litteras Leonis X. pro Eremitis S. Augustini, juxta quas, si quæ privilegia à Nostris fuerint impetrata contra Regulam, aut Constitutiones, aut mores Societatis, nullius momenti, ac pro infectis habenda sunt, etiamsi à Sede Apostolica sint concessa, nisi eisdem Leonis litteris de verbo ad verbum, consentiente Societate, sit derogatum. Habetur in privilegiis dicti Ordinis, fol. 47. pag. 1.

§. 4.

In dubio, in favorem Societatis interpretandum.

Quoties dubium fuerit in intellectu privilegiorum nostræ Societatis, semper per Jurisperitos, & alios Judices, in favorem Societatis fiat interpretatio. Concesserunt plures Pontifices per Bullas, citatas hoc Titulo §. 1. Sixtus IV. §. 34. Julius II, in

II. in utraque Bulla §. 2. Leo X. §. 4. Præ-
terea Paulus III. in Bull. comm. Bullâ
1. §. 23. & Gregorius XIV. ibid. Bullâ
18. §. 8.

§. 5.

Per non usum non derogatur privilegiis.

Possumus uti privilegiis Nobis conces-
sis, etiamsi propter simplicitatem, aut juris
ignorantiam, eis non fuerimus usi retro-
actis temporibus, dummodo eis non sit per
præscriptionem, vel aliàs legitimè deroga-
tum. Concessit Nicolaus IV. Carthusien-
sibus, per Bullam, ut constat ex eorum Pri-
vil. fol. 20. & ex Comp. Min. V. *Privile-
gia Fratrum.* §. ult.

§. 6.

Quæ privilegia facta Generali valeant.

Omnia privilegia facta Præposito Gene-
rali, vel Societati, sive per se, sive per com-
municationem, sive sint facta in forma Bre-
vis, sive per supplicationes expedita, in qui-
bus placuit, ut signatura sola sufficeret,
eamdem omnino vim & efficaciam habent,
tam in iudicio, quàm extra iudicium, ac
haberent si plumbeo sigillo essent obsigna-
ta. Concessit Iulius II. pro Eremitis S.
Augustini, per Bullam, dat. 24. Sept. 1508.
Incipit: *Nihil est, quod sapius: est* 22. in
Bull. Regul.

§. 7.

Originalibus privilegiorum aliorum Ordinum uti possumus.

Privilegiis originalibus, aut transsumtis authenticis Ordinum Eremitarum S. Augustini, Carmelitarum, Minorum, Minimorum, ac Servorum MARIE, exhibitis in favorem Ecclesiarum, Domorum, ac Collegiorum, seu personarum Societatis, eadem fides, tam in iudicio, quàm extra habenda est, ac si pro & in favorem Societatis à Sede Apostolica emanassent, & eidem immediatè concessa forent. Concessum est Dominicanis, per Bullam; ut in Comp. Min. V. *Privilegia Fratrum*. §. 6. Et alia etiam plura debent concurrere, ut aliquod ex Nostris Privilegiis derogatum censeatur; ex Bulla Leon. x. pro Camaldulensibus, dat. 4. Non. Iul. 1513. Incipit: *Etsi à summo*: est 2. in Bull. com. §. 46.

Sed consulenda Bulla Urbani VIII. 155. in Bull. communi, per quam hoc indultum magna ex parte sublatum est.

§. 8.

Privilegia aliis concessa Societati non præjudicant.

Nullæ litteræ, seu privilegia Apostolica, quibusvis personis, & quibusvis Collegiis, Capitulis, Universitatibus, seu Conventibus, concessa contra tenorem privilegiorum, quæ Nobis concessa sunt, præjudicant Societa-

cietati, ejusve Domibus, locis, aut personis, nisi in eis cum expressione Ordinum, etiam Mendicantium, & illorum Religiosorum de Societate, & illius, ac ejus Domibus, ac Nobis concessis privilegiis, nec non quoad concedenda privilegia, & litterae, de Præposito Generali Societatis, qui pro tempore erit, specialiter & expressè, ac de verbo ad verbum mentio facta fuerit. Concessit Eugenius IV. Dominicanis, ut in eorum privilegiis, fol. 108. pag. 1. & seq. Per privilegia verò Benedictinis per Eugenium IV. ac Leonem concessa, de quibus in manuscriptis, fol. 42. pag. 2. & seq. alia etiam debent concurrere, ut aliquod ex Nostri privilegiis derogatū censendum sit.

S. 9.

Laesio facta personis, juribus, &c. non tenet, &c.

Si qua laesio facta sit per quosvis cujusvis status, quocumque modo vel formā, vel in futurum fiet personis, juribus, & rebus, ac bonis Societatis, licet culpā Nostrorum, aut Procuratorum Societatis, seu Domorum, aut Collegiorum, ipso jure non tenent; nec est opus restitutionem in integrum pro laesione hujusmodi impetrare. Concessit Joannes XXIII. in favorem Monachorum Congregationis Montis Oliveti per Bullam, dat. 11. Kal. Febr. exstat in

libro Privilegiorum ejus Ordinis, impreso Fulgineæ, 1556. fol. 18.

§. 10.

Excommunicantur temerè contradicentes.

Quicumque alicui concessionum Nostrarum temerè contraire ausi fuerint, excommunicationem incurrant, & ut tales sunt publicandi: quòd si sint Clerici, præter hoc privantur dignitatibus & beneficiis Ecclesiasticis, ità ut liberè possint impetrari. Concessit Leo X. Augustinianis, per Bullam non authenticatam, ut in Comp. Min. V. Privilegia Fratrum §. 21. Similis concessio pro Prædicatoribus, & Minoribus habetur per Bullas Sixti IV. in Bull. Regul. est 20. in §. 10. & 33. in §. 53. Prima dat. 7. Kal. Aug. Anno 8. Incipit: *Sacri Prædicatorum, & Minorum Ordines*: Secunda prid. Kal. Sept. 1474. Incipit: *Regimini universalis*. Præterea idem indultum Augustinianis Bullâ 34. & Carmelitis 37. ejusd. Pont. in eod. Bull.

§. 11.

Omnia privilegia, &c. approbantur à Gregorio, XIII.

Omnia privilegia Societatis, facultates, exemptiones, immunitates, gratias, & indulta, tam per suos Prædecessores, quàm à se concessa, Motu proprio, certaque scientia

entiã, ac de plenitudine Apostolicæ potestatis approbat atque confirmat Gregorius XIII. pag. 66. & 77.

Vide verbo *Communicatio gratiarum*. & verbo *Generalis*. §. 8. Et qualiter personæ Ecclesiasticæ, in dignitate constitutæ, teneantur Nostra Privilegia publicare, &c. Vide juxta ea, quæ habentur verbo *Conservator*. §. 8. Et quòd non derogentur per Bullam Cœnæ tempore Gregorii XIII. Vide verbo *Bulla Cœna*. §. 2.

§. 12.

Privilegia nostra integre, & ad verbum intelligi debent.

Ex concessione Julii II. pro Augustinianis per Bullam, non authenticatam, Privilegia Nostra integre, & ad verbum, ut sonant, plenissimè, atque inviolabiliter ubique gentium observari debent. Habetur in *Comp. Min. V. Privilegia Fratrum*. §. 17.



PROCESSIONES.

Exemptio à processionibus.



Eximuntur & liberantur Nostri ab interessentia in supplicationibus, seu precibus, & processionibus publicis; in-